



অবিলম্বে প্রকাশের উদ্দেশ্যে: 1/23/2022

গভর্নর ক্যাথি হোকল

মেয়র অ্যাডামস ও NYPD-এর সঙ্গে অংশীদারিত্ব সহ, অবৈধ আগ্নেয়াস্ত্র বিষয়ক নতুন আন্তঃস্টেট টাস্ক ফোর্স এই সপ্তাহে বৈঠক শুরু করবে বলে গভর্নর হোকলের ঘোষণা

নিউ ইয়র্ক স্টেট পুলিশ, NYPD, ATF এবং নয়টি নর্থইস্টার্ন স্টেটের 50টিরও বেশি আইন প্রয়োগকারী সংস্থার প্রতিনিধিরা অবৈধ আগ্নেয়াস্ত্রের প্রবাহ বন্ধ করার উদ্দেশ্যে ডাটা ও সংস্থান শেয়ার করার জন্য এসপ্তাহে মিলিত হবে

2022 সালের স্টেট অব দ্যা স্টেট বক্তব্যে, গভর্নর হোকল অবৈধ আগ্নেয়াস্ত্র বিষয়ক আন্তঃস্টেট টাস্ক ফোর্স তৈরি করার এবং জননিরাপত্তা বিষয়ে মেয়র অ্যাডামস ও লেফটেনেন্ট গভর্নর বেঞ্জামিনের সঙ্গে কাজ করার পরিকল্পনা ঘোষণা করেছেন

গভর্নর ক্যাথি হোকল আজ ঘোষণা করেছেন যে মেয়র এরিক অ্যাডামস ও NYPD-এর সঙ্গে অংশীদারিত্ব সহ অবৈধ আগ্নেয়াস্ত্র বিষয়ক নতুন আন্তঃস্টেট টাস্ক ফোর্সের প্রথম বৈঠক বুধবারে অনুষ্ঠিত হবে। অবৈধ আগ্নেয়াস্ত্র বিষয়ক এই আন্তঃস্টেট টাস্ক ফোর্স নিউ ইয়র্ক ও তার আশেপাশের অঞ্চলে সহিংসতা ও অপরাধের ঘটনার পিছনে দায়ী অবৈধ আগ্নেয়াস্ত্রের জরুরি সমস্যা মোকাবেলার জন্য নয়টি নর্থইস্টার্ন স্টেটের আইন প্রয়োগকারী সংস্থার কর্মকর্তাদের একত্রিত করবে। এই বৈঠক কভার করতে আগ্রহী মিডিয়ার জন্য বিস্তারিত তথ্য আগামীতে প্রকাশ করা হবে।

"আমাদের সড়কগুলোতে অবৈধ আগ্নেয়াস্ত্রের এই চরম সমস্যা মোকাবেলায় আমাদের সাধ্যমতো সকল প্রচেষ্টা চালানোর নৈতিক দায়বদ্ধতা রয়েছে," বলেছেন গভর্নর হোকল। "আমাদের সড়কগুলোতে কখনোই থাকার কথা ছিল না এমন অবৈধ আগ্নেয়াস্ত্রের কারণে অনেক বেশি জীবন হারিয়ে গেছে। এই অঞ্চলের আইন প্রয়োগকারী সংস্থাগুলোর কর্মকর্তাদের নিয়ে একসঙ্গে বসার মাধ্যমে আমরা অবৈধ আগ্নেয়াস্ত্রের প্রবাহ প্রতিহত করা এবং নিউ ইয়র্কবাসীদের নিরাপদ রাখার জন্য ইন্টেলিজেন্স ও কলাকৌশল শেয়ার করতে পারবো।"

লেফটেনেন্ট গভর্নর ব্রায়ান বেঞ্জামিন বলেন, "আমাদের সড়কগুলো থেকে অবৈধ আগ্নেয়াস্ত্র সরানো আমাদের সময়ের সবচেয়ে গুরুত্বপূর্ণ নৈতিক কর্তব্য। গভর্নর ক্যাথি হোকল এবং আমি আমাদের স্টেটে আগ্নেয়াস্ত্র সংক্রান্ত সহিংসতার অবসান ঘটাতে কঠোর পদক্ষেপ গ্রহণ করছি, আয়রন পাইপলাইন পথ দিয়ে আগ্নেয়াস্ত্রের প্রবাহ বন্ধ করার মধ্যে দিয়ে এটি শুরু হবে। আগ্নেয়াস্ত্র সংক্রান্ত সহিংসতার মহামারীর ফলে সৃষ্ট জনস্বাস্থ্য সংকট মোকাবেলার জন্য স্টেট, আমাদের স্থানীয় কর্তৃপক্ষ, ফেডারেল সরকার, এবং আমাদের কমিউনিটি গ্রুপগুলোর

সর্বোচ্চ দলগত প্রচেষ্টার প্রয়োজন হবে। নিউ ইয়র্কবাসীদের ও তাদের পরিবারদের আতঙ্কিত করে রাখা এই সহিংসতা ও ভয়ের নিশ্চিত ও দ্রুত নিরসনের উদ্দেশ্যে সকল পক্ষের সঙ্গে নিবিড় সহযোগী হয়ে কাজ করার জন্য গভর্নর ও আমি প্রস্তুত আছি।"

অবৈধ আগ্নেয়াস্ত্র বিষয়ক এই আন্তঃস্টেট টাস্ক ফোর্স, যেটি গভর্নর হোকলের 2022 সালের স্টেট অব দ্যা স্টেট বক্তব্যের সময় প্রথম ঘোষণা করা হয়েছিল, ইস্ট গ্রিনবুশে নিউ ইয়র্ক স্টেট ইন্টেলিজেন্স সেন্টার (New York State Intelligence Center, NYSIC)-এ 26শে জানুয়ারিতে বৈঠকে বসবে। এটি জননিরাপত্তার অত্যন্ত গুরুত্বপূর্ণ বিষয়টি নিয়ে গভর্নর হোকল, লেফটেনেন্ট গভর্নর বেঞ্জামিন ও মেয়র অ্যাডামস সহ স্টেট ও সিটি নেতৃবৃন্দের পক্ষ থেকে একটি একতাবদ্ধ পদক্ষেপ গ্রহণের জন্য সর্বশেষ যৌথ প্রচেষ্টা। এই বৈঠকের এজেন্ডার মধ্যে তথ্য শেয়ার করার কনসোর্টিয়াম এবং অপরাধ বিশ্লেষণ কেন্দ্র সেট আপ করা এবং সেইসাথে প্রত্যেক অঞ্চলের প্রসিকিউটর ও আইন প্রয়োগকারী সংস্থাগুলোর সঙ্গে অংশীদার হয়ে বিভিন্ন আইনি অধিক্ষেত্রের মধ্যে ইন্টেলিজেন্স, ট্রেসিং টুলস ও কলাকৌশল শেয়ার করার উপায় অন্তর্ভুক্ত থাকবে।

নিউ ইয়র্ক স্টেট পুলিশ (New York State Police), নিউ ইয়র্ক সিটি পুলিশ ডিপার্টমেন্ট (New York City Police Department, NYPD), ফেডারেল ব্যুরো অব অ্যালকোহল টোবাকো এন্ড ফায়ারআর্মস (federal Bureau of Alcohol Tobacco and Firearms, ATF) এবং নিউ ইয়র্ক, রোড আইল্যান্ড, কানেক্টিকাট, ভারমন্ট, ওহাইও, ম্যাসাচুসেটস, পেনসিলভেনিয়া, নিউ জার্সি ও নিউ হ্যাম্পশায়ারের আইন প্রয়োগকারী সংস্থাগুলোর প্রতিনিধিরা অবৈধ আগ্নেয়াস্ত্রের প্রবাহ বন্ধ করতে এবং আগ্নেয়াস্ত্র সংক্রান্ত সহিংসতা প্রতিরোধে অধিকতর সাহায্য করবে এমন তাৎক্ষণিক পদক্ষেপ গ্রহণের জন্য সমন্বয়ের উদ্দেশ্যে এই টাস্ক ফোর্সের বৈঠকে একত্রিত হবেন।

গভর্নর হোকলের FY 2023 নির্বাহী বাজেটে জন নিরাপত্তা খাতে এবং আগ্নেয়াস্ত্র সংক্রান্ত সহিংসতার বিধ্বংসী প্রভাব কমিয়ে আনার প্রচেষ্টায় বিনিয়োগ করা হচ্ছে। নতুন লোকবল, আগ্নেয়াস্ত্র সংক্রান্ত অপরাধ ট্রেসিং অ্যানালিস্ট, সোশ্যাল মিডিয়া অ্যানালিস্ট ও কম্পিউটার অপরাধ বিশেষজ্ঞ নিয়োগের উদ্দেশ্যে নিউ ইয়র্ক স্টেট পুলিশের জন্য গভর্নর হোকল প্রায় 9 মিলিয়ন ডলার বরাদ্দ দেওয়ার প্রস্তাব করেছেন। এছাড়াও স্টেট পুলিশের মধ্যে একটি কম্পিউটার ও সাইবার অপরাধ ইউনিটের জন্য সরঞ্জাম ও সফটওয়্যার ক্রয়ের জন্য গভর্নর হোকল আনুমানিক 4 মিলিয়ন ডলার বিনিয়োগের অঙ্গীকার ব্যক্ত করেছেন।

এক স্টেট থেকে অন্য স্টেটে আগ্নেয়াস্ত্র পাচারের ফলে নিউ ইয়র্কে যে বিশৃঙ্খলা ও নৈরাজ্য তৈরি হচ্ছে তা ডাটা থেকে ইতোমধ্যে স্পষ্ট হয়ে উঠেছে। নিউ ইয়র্ক স্টেট পুলিশের ক্রিমিনাল গান ক্লিয়ারিং হাউজের (Criminal Gun Clearinghouse) তথ্যমতে গত বছর মোট 1,074টি অবৈধ আগ্নেয়াস্ত্র উদ্ধার হয়েছে। NYPD-এর প্রাথমিক পরিসংখ্যানে দেখা যায় স্টেটের বাইরের উৎস থেকে মোট 4,473টি অবৈধ আগ্নেয়াস্ত্র ট্রেস করা হয়েছে, যার বেশিরভাগ এসেছে জর্জিয়া, সাউথ ক্যারোলিনা ও ফ্লোরিডার মতো দক্ষিণাঞ্চলীয় স্টেটগুলো থেকে।

###

আরো সংবাদ পাওয়া যাবে এখানে www.governor.ny.gov -এ
নিউ ইয়র্ক স্টেট | এক্সিকিউটিভ চেম্বার | press.office@exec.ny.gov | 518.474.8418

[আনসাবস্ক্রাইব করুন](#)